

6. ÁRSFUNDUR SAMTAKA SVEITARFÉLAGA Á KÖLDUM SVÆÐUM.
HALDINN Á HÓTEL SÖGU
7. NÓVEMBER 2002

Ályktun um aukinn stuðning við nýjar hitaveitur.

6. ársfundur Samtaka sveitarfélaga á köldum svæðum skorar á iðnaðar- og viðskiptaráðherra að auka stuðning við virkjun jarðvarma til húshitunar með því að lengja viðmiðunartímabil stuðnings við nýjar hitaveitur. Í stað þess að styrkurinn nemi áætluðum fimm ára niðurgreiðslum á rafmagni til húshitunar á orkuveitusvæði hitaveitunnar, nemi hann áætluðum tíu ára niðurgreiðslum.

Greinargerð:

Áskorun þessi vísar til 6.gr. reglna, sem rískistjórnin samþykkti á fundi sínum 2. nóvember 1999, um úthlutun styrkja til lagningar nýrra hitaveitna á svæðum sem njóta niðurgreiðslu á rafmagni til húshitunar.

Með því að veita umræddan stuðning til nýrra hitaveitna hefur köldum svæðum á landinu fækkað og hinar dreifðu byggðir sem hafa fengið heitt vatn orðið byggilegri og verðgildi eigna hefur hækkað. Með því að hækka þennan styrk í jafngildi tíu ára niðurgreiðslna á rafmagnni til húshitunar aukast möguleikar á hagkvæmri nýtingu jarðvarma til húshitunar og hugsanlega opnast möguleikar til að gera stórátak í því að leggja hitaveitur um hinar dreifðu byggðir landsins. Minnt er á að ríkissjóður fær styrkinn endurgreiddan á næstu tíu árum eftir að hann er greiddur út þar sem ekki þarf lengur að kosta niðurgreiðslur á rafmagni til húshitunnar. Sú raforka sem sparast með þessu móti nýtist þar að auki til annarra nota.

6. ÁRSFUNDUR SAMTAKA SVEITARFÉLAGA Á KÖLDUM SVÆÐUM.
HALDINN Á HÓTEL SÖGU
10.OKTÓBER 2001

Ályktun um jarðhitaleitarátak.

6. ársfundur Samtaka sveitarfélaga á köldum svæðum skorar á iðnaðar- og viðskiptaráðherra að beita sér fyrir að fjármagni verði veitt til áframhaldandi jarðhitaleitar á köldum svæðum. Fundurinn telur að reynsla sem fengist hefur af því átaksverkefni sem staðið hefur síðan 1998 hafi leitt í ljós að mikil nauðsyn er á áframhaldandi frumrannsóknum við leit og kortlagningu jarðvarama. Það er álit fundarins að nauðsynlegt sé að gera jarðhitaleit að langtíma verkefni sem hafi það markmið að skilgreina sem best hvar á landinu megi finna nýtanlegan jarðvarma. Fundurinn minnir á að jarðhiti er ein af meginauðlindum landsins og á nauðsyn þess að vitneskja um þá auðlind sé sem best.

Fundurinn leggur áherslu á að þótt nýtanlegur jarðhiti hafi ekki fundist á nokkrum þeim stöðum þar sem leit hefur farið fram, eru þær rannsóknir að miklu gagni því það varðar skipulag orkumála að þekking sé til staðar á hvar nýtanlega jarðhita sé að finna og hvar ekki. Þar sem sýnt hefur verið fram á að ekki sé nýtanlegur jarðhiti er t.a.m. unnt að styrkja raflínur án þess að hætta sé á að sú fjárfesting reynist óþörf. Með rannsóknarborunum hefur einnig styrkst þekking á jarðlögum, vatnsflæði ofl. sem varðar ýmsa aðra þætti en orkumál.